

A. D. 7.

DISSERTATIO HISTORICA,
DE
LITURGIA
ROMANO-SVETICA,

Cujus

PARTEM PRIOREM,

Adprobante Ampliss. Senat. Philos.
in Academia Upsaliensi,

SUB MODERAMINE

VIRI CELEBERRIMI
DN. LAURENTII
ARRHENII,

Histor. Profess. Reg. & Ordin.
h. t. Facult. Phil. DECANI Spectabilis,
Publico bonorum examini modeste
submittit

ANDREAS LINDER

SMOLANDUS,

In Audit. Gust. Maj. d. ix. Decemb.

Anni MD CC XX VI.

horis ante meridiem solitis.

UPSALIÆ, Literis WERNERIANIS.



A. D. 7.

DISSERTATIO HISTORICA,
DE
LITURGIA
ROMANO-SVETICA,

Cujus

PARTEM PRIOREM,

Adprobante Ampliss. Senat. Philos.
in Academia Upsaliensi,

SUB MODERAMINE

VIRI CELEBERRIMI
DN. LAURENTII
ARRHENII,

Histor. Profess. Reg. & Ordin.
h. t. Facult. Phil. DECANI Spectabilis,
Publico bonorum examini modeste
submittit

ANDREAS LINDER

SMOLANDUS,

In Audit. Gust. Maj. d. ix. Decemb.

Anni MD CC XXVI.

horis ante meridiem solitis.

UPSALIÆ, Literis WERNERIANIS.

S:Æ R:Æ M:TIS
MAGNÆ FIDEI VIRO,
REVERENDISSIMO
PATRI AC DOMINO,
DN. DAVIDI

S H S S /

S. S. Theol. DOCTORI Excellentissi-
mo, Diœces. Wexion. EPISCOPO Emi-
nentiss. Conf. Eccles. PRÆSIDI Graviss.
& Gymn. Schol. EPHORO Adcuratissimo,
MÆCENATI MAXIMO

Cum Liturgiæ huic Romano-Sve-
ticae, seculi more, patrocinium quæ-
rerem, cur a Tuo Reverendissime
Pater, complexum digrederer, causas
invenire non potui. Radii namq; favo-
ris summi, quibus literarum cultores
Tibi divinctos habes, me in isthanc
pertraxerunt audaciam. Permittas i-
gitur, Rever. Pater, dextram Tuam
hac qualicunq; dissertatione onerari, hu-
millimus oro, pro Tua, Nobilissima q̃
familiæ omnigena felicitate vota fun-
dere numquam intermissurus.

RVERENDISS. NOMINIS TUI

cliens humillimus

ANDREAS LINDER.

Adm. Rever. atq; Præclarissimo VIRO,
MAG. MAGNO ESTERHÖS
Ecclesiæ, quæ in Ålundsboða Christo
colligitur PASTORI & PRÆPOSITO lauda-
tissimo, Evergetæ Optimo.

Adm. Rever. & Præclarissimo VIRO;
MAG. JACOB. FLACHSENIO,
PASTORI in Åndaholm & Siellarnd me-
ritissimo, & adjacentis Districtus PRÆ-
POSITO adcuratissimo, Patrono
benignissimo.

Adm. Plurimumq; Rev. ac Præclarissimis
DOMINIS MAGISTRIS,
S. S. Theol. & Philos. in Reg. Gymnas.
Wexion LECTORIBUS dexterrimis, Con-
sistorii ADSESSORIBUS æquissimis,
Promotoribus Certissimis.

Rever. atque Doctissimo Domino,
Dn. BRYNOLPH. GISLONIO,
V. D. MINISTRO in Ålundsboða vigilan-
tissimo, Fautori Honoratissimo.

*Exile hoc specimen in venerabundæ men-
tis ac debitæ observantiæ pignus offert*

Admod. Rever. Præclar. ac Doctiss.
Nominum Vestrorum

cultor indefessus

ANDREAS LINDER

Min Høgtårade Fære Fader HÖÖÖ ANDERSON.

När jag mig befråga wille /
Af wåltalighetens Mor
Svada, hur' med wittert snille
Prisas bör Fars godhet stor /
Fick jag swar: der til jag äger
Ingen konst; ty ord af mun
Jcke fulla quintin wäger
Mot de många kärleks pund.
Tänck! så snart Du kunde bära
Kroppen sielf / hur' ganska lätt /
Det war honom / at Du lära
Motte / det han sielf ej lärt?
Gif dock Måske. Boken thenne /
Swär med Sverje wille bry
Påfve. Allster arga Trenne /
Och wardt kallad Liturgie.
Derför' uptag Fader fære /
Deße rader med gladt mod /
Fast de ej beströdde äre
Med rik sand ur Pactols flod.
Hiertans önskan min steds ware;
Gud Ehr unne ymnigt godt!
Gud Ehr lifstid länge spare!
Och sed'n gifw' Ehr himla lott!

Min Høgtårade Fære Faders

Endigste Son

ANDREAS LINDER

In Dissertationem

Politisimi

Dn. ANDREÆ LINDER,

De

Liturgia Romano - Svetica.

Altas Gregorius nuper conscenderat
arces,

Quas meretrix Romæ dudum Babylonia
struxit,

Cum sua mox stimulos præcordia rode-
re sensit,

Inque dies animum sævas exedere cu-
ras.

Ergo vocare sacras iussit de more pha-
langas:

Quas ubi conspexit densis coivisse ca-
tervis,

Ipsæ throno residens mæstus sic dicere
cæpit:

Jam ne summa dies, & ineluctabile
fatum

Im-

Imminet, ut nostrum quisvis conculcet
honorem;
Neque ferat dignas tanto pro crimine
pœnas;
Aut rediens nostrum, ceu quondam,
Numen adoret?
Fallor: non animis tantæ cœlestibus
iræ.
Vos, O Tarpejæ fidissima nomina sedis,
Dicite, quæ vestras bebetarunt otia
mentes?
Nonne superba patent Gothicæ fastidia
gentis,
Æternum vulnus, fideique injuria spre-
ta?
Hæc ubi dicta, Cohors Jesuvitica colli-
git iras,
Ora lavat Janie, pestem spumatque vo-
mitque.
Solve metum, stygiæ pubis tum maxi-
mus inquit,
Solve metum, Divine Pater; nos nomi-
na mille,
Mille artes, & mille doli, stratagemata
mille.

Crede

Crede mihi, Svecos castris excedere
Christi,

Et Tua signa sequi cogemus: nulla la-
boris

Pars intacta nobis: formas vertemur in
omnes.

His Pater arrisit, latusque ad celsa
recessit.

Tandem lecta virum decernunt robora,
quibus

Nequitiiis mentes plenæ, fœcunda malo-
rum

Pectora, tartareis turgentia corda ve-
nenis.

Scilicet Herbestus monachus, clarusq;
mitellâ

Hofius, & Lasse, titulum cui claustra
dederunt;

Tandem Possevinus, minitans rutilante
galero:

In nostras diro jurant anathemate mor-
tes,

Spiculaque expediunt acherontis sublita
felle.

Adjunt,

*Adsumt, atque instant, turbant & vul-
nera figunt:*

*Fingentes cæleste genus, mentemque
calere*

*Numine, fallaci condunt mendacia cor-
de,*

*Damnatura leves animas. Heu perfida
Roma!*

*Hoc modo lethales latices bibit inscius
alte*

*Svecus, & attracto penetrat præcordia
virus.*

*Rex pius, & multus Erebi fert vincula
crvis,*

*Damnaque post moras tandem Liturgi-
ca sensit.*

*Hæc cum pulchre nobis doceas, Doctissi-
me LINDER,*

*Gratulor ingenium; Voveo sint præmia
Digna!*

scripsit

ANDREAS FIORIN.



Συνεργῆντος τῷ Ὑψίστῳ.

CAPUT PRIMUM.

De Liturgia in Genere.

§. I.



Ominem in summi Numinis, sui creatoris, laudem & gloriam præcipue creatum, cæteraque

cuncta in hominis usus producta esse, adeo jam dudum in aprico est, ut illum, qui ab hoc communi omnium consensu discedat, ab omni natura humana abhorrire merito dixeris. Nam

si res omnes, quas speciosum hoc
A univ-

universitatis theatrum, variis ob-
tutibus spectandas, oculis nostris
proponit, servato rectæ rationis in
cogitando dictamine, percurrere
velit mens nostra, tanta immensæ
Divinæ bonitatis argumenta deprea-
hendimus, ut cuivis hominum non
internam modo mentis veneratio-
nem, sed & illam, quæ actionibus
exhibetur externis, DEo præstan-
dam, injungant. Atqui cultum
Numinis externum ritibus & cere-
moniis, tamquam adminiculis e-
jusdem & ornamentis, omnino
peragi debere non facile quispi-
am inficiabitur. Quum enim o-
mnes gentes aliquem agnoscant
DEum^{a)}, haud obscure colligitur,
eas quoque certam cultus divini
normam, seu ritualia qualiacunq;
habere. Quod vero homo sibi re-
lictus modum, quo potissimum
coli vult DEus, ignoret, hoc sum-
mam mentis humanæ in rebus di-
vinis

^{a)} Cic. de Leg. lib. I.

vinis cæcitatem & imperfectionem arguit. Huic itaque defectui DE-
us ab initio statim, patetaciendo voluntatem suam, consuluit. Quin etiam populum Judaicum, non solum ut se coleret, iussit; sed & sui colendi modum, ritus scil. externos circa sacrificia, per Mosen, lege ceremoniali, demonstravit. Hocce rituale officium, cujus cura tribui tantum Levitico deman- data fuit, *λειτουργίας* appellatione, LXX. interpret. ubique fere ex- primere voluerunt. Quum itaq; in præsentia aliquid de Liturgia in ge- nere pro simplicitate ingenii acturi simus, dissertationis nostræ clavem ab æquivocatione liberum redde- re, nobis incumbit.

§. II.

Primo occurrit vox Liturgia, quam natales suas Helladi debere, & græce *λειτουργίαν* dici, nemo ne- scit; originem v. ex uno fonte, non omnes ducunt. Plurimi à *λήι*

τον, quod idem significat ac πρὸς
 λαγεῖον, δημόσιον, *publicum*, & ἔργον
officium, vocem derivant, ut sit Li-
 urgia *cujuscunque muneris publici*
functio, præstita, sive opera, sive pe-
cunia. Aliis placuit derivatio à
 λεῖον *planum* καὶ ἔργον, ut sit *plana*
 & *conveniens publici operis admini-*
stratio. Bazius *b)* origines quærit
 in voce, λίτη *supplicatio*, ut dica-
 tur λειτουργία *h. e. sancta actio pre-*
candi. Facile tamen hæc possunt
 conciliari. Et quamvis apud pro-
 fanos hæc vox, vi primæ origi-
 nis, in usu sit; obtinuit tamen
 ut λειτουργία dicatur *ministerium cul-*
tus divini, sive Judaici *c)*, sive E-
 vangeliici *d)*, & peculiariter deniq;
quidquid ad altare circa sacram men-
sam peragitur. Dicitur præterea
 aliis vocabulis Liturgia, tam in
 libris symbolicis, quam Theolo-
 gorum scriptis, *cultus divinus ex-*
ternus

b) L. 3. c. 22. *c)* Luc. 1: 23. Ebr. 9:
 21. & 10: 11. *d)* Act. 13: 2. Phil. 2: 17.

ternus, canones, agenda, seu actiones sacrae, traditiones rituales &c. ut observavit & notavit Joh. Frederici *e.)*. Ad tuum vero, L. B. favorem, tamquam ultimum κρησ-
Φύγετον, tanto anxius decurrere, necessum habeo, quanto certius hanc opellam debito verborum nitore destitui deprehendo, summamq; votorum me consequutum esse arbitrabor, si nihil acerbe de innoxiiis meis conatibus fueris judicaturus.

§. III.

Mentionem fecimus Liturgiæ Leviticæ, eamque lege DEI ceremoniali comprehendere diximus. Illa vero in novo fœdere, verbo consummatum est, destructa, Ecclesiæ Christianæ consultum videbatur, ad retinendam in Ecclesia ευσχημοσύνην καὶ εὐταξίαν, novam religionis formam constituere. Videbant enim rebus omnibus, ubi ἀταξία im-

e) Liturgia vet. & nova c. i.

6 ✠) o (✠
imperat, exitium imminere. Ide-
oque Apostolos, discipulos, pri-
morumq; seculorum Patres certam
habuisse, circa administrationem
præcipue εὐχαριστίας, normam,
quam λειτουργίαν vocarunt, à vero
non discrepat. Quid vero de Li-
turgiis Sanctorum Apostolorum,
Petri nimirum, Andreæ, Matthæi,
Marci, Johannis, Jacobi, & Pa-
trum Basilii, Chrysostomi &c. sta-
tuendum sit, quas magno appara-
tu in theatrum adduxit Claudius
Sainctes, & Pontificii adeo jactant,
ex industria declaravit Joh. Dor-
scheus f). Apostolos tamen, ut
multa fidei dogmata, ita etjam ri-
tus, Christianis ἀγράφως tradidisse,
haut diffitendum est. Observan-
dum est, Liturgiam Ecclesiæ, cujus
vestigia historia Evangel., annales
Apostol., epistolæque Pauli & Ja-
cobi, & Patrum quorundam scri-
pta tradunt, primis quatuor secu-
lis

f) *Mysaria Misse c. 7. §. 23. &c.*

lis admodum simplicem fuisse. Respiciebat namque unice tunc cultum DEi internum. Accesserunt præterea sævissimæ Tyrannorum persecutiones, quæ omnem magnifici ceremoniarum apparatus an-
sam præripiebant. In locis enim obscuris, nocturno præcipue tempore, sacras suas *συνάξεις* habere necessum habebat Ecclesia,

§. IV.

Postquam autem sub imperio Constantini M. ac reliquorum Christianorum. Imperatorum auspicio, templa exstrui cœperunt, in quibus libere cultum DEo præstare possent fideles, multum adaucta sunt ritualia. Ac magnæ equidem tunc patribus fuit curæ, ut in universa Ecclesia, Christum profitente, *consentiens erga DEum servaretur religionis cultus g)*; sed voti sui compositi facti non sunt. Causam addit

A 4

Joh.

g) Theodoret. hist. Eccl. l. 1. c. 10.

Joh. Friderici *b)*; *Quemadmodum, inquit, varia in Ecclesia manserunt symbola: consiliorum decreta successu temporum, in diversis conciliis, plus quam centies sunt variata: ita in cultu divino Ecclesia varias habuit ceremonias. Quam primum enim supereminentiam in Ecclesiasticis fastuose affectare cœpit Romanus Episc., in diversas abiit Ecclesia partes; impatiens affectuosæ istius superioritatis. Facta jam separatione, non tamen desiit omnis boni ordinis osor, quin majores semper cordi papali infunderet spiritus, donec brevi adeo intumesceret, ut se vicarium Christi nuncupare non veritus sit. Quo facto, eo demum processit arrogantia fastus papalis, ut non tantum traditiones, proprio exenteratas cerebro, DEi verbo misceret; sed præferret: atq; multos, in superstitionem usq; auctos,*
Liturg.

b) Collat rit. Liturgæ Eccl. prisc. & bod. c. I.

Liturgiæque insertos ritus, sub nomine communi decreti, Ecclesiæ occidentali obtruderet.

§. V.

Quamvis Eccles. occidentali vocabulum *ritus*, ut orientali vox *λειτουργία*, adrisit; nos tamen omnia ritualia sacra Liturgiam vocamus. Complectitur enim hæc vox, latitudine significationis suæ, actiones quoque malignantium, observante Dorscheo *i*). Præcipuum Liturgiæ Romanæ momentum sacrificio suo missatico attribuant pontificii, cujus maximum quærunt robur ex Act. 13.2. Censuras vero in illud fuse, præter alios, dederunt Joh. Gerhardus *k*) & Joh. Dorscheus *l*). Chrysostomus in hunc locum sic commentatur; *τὶ ἐστὶ λειτουργῶντων; τὸτ' ἐστὶ κηρυττόντων.* Impium tamen hocce sacrificium

A 5

ficium

i) Mysar. Missæ c. 7. §. 10. k) LL. Theol. Tom. VI. de ministr. Eccl. c. 1. l) Mysaria. Missæ c. 7. §. 12. seq.

ficiū longa annorum serie noxiis ritibus & Ecclesiæ molestis & impiis, frivolisque ignota lingua celebratum, & consuetudine corroboratum, non solum Ecclesiam occidentalem; sed & nostrum quoque septentrionem, rudium seculorum cursu, inundavit. Hisce vero superstitionibus electum DEI organon Lutherus, singulari ope divina obicem posuit. Quod vero Lutherus, cæterique Evangelicæ veritatis defensores, ritus quosdam Ecclesiæ Romanæ in sancto reformationis opere retinuerunt, ut in Art. August. Confess. XXI. continentur: id in gratiam simplicioris vulgo fecisse constat.

§. VI.

Eandem reformatores Sveciæ viam ingressos fuisse ex historia patria novimus. Cum enim omni seculorū memoria dignissimus rex Gustvus I. regni Antichristi in oris nostris borealibus, ubi *decretis tantum Pontificis Rom.*

*Rom. Ecclesia fereque politia tunc re-
gebatur m), everfionem meditari
cœpit, opera præcipue & confilio
Olai & Laur. Petri, fratrum Ne-
riciorum, fuafu Lutheri, ad faluta-
re hoc negotium promovendum,
ufus eft. Horum prior, Olaus mif-
fale quoddam in ufum presbyterii
confcipfit, exclusis omnibus pon-
tificiorum ritibus non neceffariis.
Ne vero tumultus in Ecclefia, mul-
tis adhuc fuperftitionibus labo-
rante, orirentur, ritus nonnullos,
quos nec quemquam offenfuros,
nec cultui decorem derogaturos ef-
fe vidit, retinuit. Sed correctio-
nem postmodum fratris, Archiep.
Laurentii, subiit, qui omnes fer-
menti papatus reliquias fustulit, at-
que eum flatum pofuit Ecclefiaë,
quem quivis cordatus vere fibi gra-
tulari poffet. Quod non fine fuavi
animi fenfu observavit Joh. Sale-
montanus ad fcriptum M. Olai Pe-
tri,*

m) Baz. l. 1. c. 10.

tri, de verbo DEi & traditionibus humanis *n*) : Wi hafwe nu/ inquit, samma ordning med dopet/ predi- kan/ aflösningen och HErrans natt- ward i våra församlingar / som warade i mång hundra år efter Apostlarnas tid i then Christeliga Rikio/ förr än wildiuret afafgrunden upstiget war. Quot vero in isto salutari negotio Rex semper animadverterit obstacula, incredibile dictu est. In ipsis namque incunabulis hoc opus, tam Episcopi, Papæ mordicus addicti, quam alii magnæ auctoritatis viri seculares, impedire adnixi sunt, quo accessere seditiones, tumultus, seductiones, caritasq; annonæ. Nec parum piæ reformationis moram paucitas orthodoxorum auxit. Nihilominus tamen mirabili constantia & animi fortitudine se extricavit, & non modo ab incœpto non deterritus, sed ad maturan-

randum concitatus est. Repurgatam denique religionem, cujus promovendæ desiderium semper aluit, fartam tectam servavit pius Rex in ipsum usq; mortis agonem, & pio testamento ei apud filios, omnesque futuros regni hæredes, æternum consecravit domicilium o).

§. VII.

Postquam rex Gustavus ad eas migrasset oras, quas, qui è vita bene discesserunt, incolunt, maximo filiorum natu Erico, juxta unionem hæreditariam, diadema impositum est. Sed diutius a re-ditu illusio Papistico diabolica se-refrenari passa non fuit, quin sub-imperio Erici, bellis undique implicati, ex confluentia peregrinorum, velut e recluso aliquo barathri antro emergeret. Ita discessu Gustavi polluta sunt religionum jura
omnia

o) Teg. hist. Gust. 1. part. 2. p. 390.
403. 406.

omnia, perditorum civium scelere p). Immo penitus extincta fuissent, nisi bonitas DEi immobile relabescientis Ecclesiæ fulcrum, Archi-Episc. Upsal. Laurentium Petri adhuc in vivis superstitem servasset. Hic, quam primum ei innotuit seductorum, episcopos νεο-Φύτας & ipsum regem in suas partes pertrahentium, acerbitas, auxilio divino suffultus, pioque defendendæ veræ religionis zelo motus, omnes illos vertiginis spiritus argutis scriptis refutavit. Pie præterea multa & feliciter ad conservationem Ecclesiæ ordinavit, ut iterum ad quietem paulisper redire posset.

CAPUT

p) Cic. Leg. l. 2.

CAPUT SECUNDUM.

*De ortu & progressu Liturgiæ
Romano - Sueticæ.*

§. I.

REgi Erico frater secundo - ge-
nitus Johannes, III. ejus no-
minis, Dux Finlandiæ, consensu
Senatorum ac ordinum regni, suc-
cessit. Hujus statim ab initio primæ
fuit cura, ut religio in statu salutari
confirmaretur, ac ne ulla sui parte
fluctuaret, aut cujusvis disputatoris aut
novatoris protervia obnoxia esset a).
Quod imperatori his maxime com-
mendatur: primum & præcipuum
fundamentum bene constitutæ reip. &
& vinculum societatis humanæ consi-
stit in religione; alterum in justitiæ
administratione b). Primum itaque
rex conscriptum ab Archi - Episc.
Lauren-

a) Abr. Angerm. hist. Lit. B. 6. Baz.
l. 3. c. 6. b) Plato de rep. l. 4.

Laurentio ordinantiæ Ecclesiasticæ exemplar prælo diligenter subjici mandavit. Hanc ordinantiam confirmavit postea clerus & ordines regni in concilio, quod vocatur Upsaliense II, c) cum maxima gratulatione 1572 d.. 22. August. Ad-dita simul protestatione, se nulli hæresi unquam in patria locum, nec alias ceremonias, quam usu receptas, admissuros. Qua de re sibi vere gratulabantur, ut suo tempore Chrysost. d): *Nunc, inquit, verbum DEi inter nos habitat abunde cum omni sapientia, & sine periculo docetur atque discitur; quia pii principes suscipiunt patrociniū docentium & discientium Evangelii doctrinam.*

§. II.

Verum fuit hæc pax Ecclesiæ non multum diuturnior habitatione πρωτοπλάσων in paradiso. Data
nam-

c) *Laur. Raimundi hist. Liturg. Msc.*
d) *in enarrat. Ep. ad Rom.*

namque erat Johanni, tum Duci
Finlandiæ, conjunx Catharina Jagello-
nica, Sigismundi Augusti Reg. Po-
lon. filia, ea conditione, ut, si ipse fieret
Rex Sveciæ, religionem Rom. non solum
ipse amplecteretur, sed eandem in toto
regno publicandam curaret e). Hujus
conditionis memor Catharina, jam
facta regina Svec., tanto anxius
religionem Catholicam, quam cum
ipso lacte materno infuxerat, ma-
rito inculcasse perhibetur, quanto
citius adhuc crebris epistolis Sta-
nislai Hosii, nec non quotidiano
concionatoris sui aulici Joh. Her-
besti instinctu adhortabatur. Hoc
igitur modo, & sub prætextu ma-
joris pietatis persuasus Rex Joh.,
præsumptionibus Jesuitarum se ac-
commodare cœpit. Quod dum
cognovit Herbestus, ψευδόγραφον
de consecratione Eucharistiæ sine
fronte edidit. Sed aberant, qui
justa velitatione, ceu transversis
cuspidibus occurrere, & γλωσσάλ-

B

γίαν

e) Fab. Quad. Spec. piet. l. 1. c. 5.

γλαυ hanc oppugnare auderent. Mittebatur ergo ad ArchiEp., quem, ut id perlegisset, neq; morbus, quatum maxime laborabat, neq; senectus detinere valebant, quin e lecto lethali pro veritate Evangelica dimicaret. Sed rediit ab hoc certamine Herbestus mutus magis, quam piscis quousque Archi-Episc. vixit f). Illo vero mortuo machinationes Herbestianæ favillis obductæ in flammam rursus erupere, unde postmodum coaluit, quam describendam proposuimus factio Liturgica.

§. III.

Pontificiorum in antecedentibus Liturgiam leviter attigimus. Quum itaque pontificii attribuunt hanc vocem suæ missæ sacrificatoriae, qua non solum scripturam, ut Act. 13:2. λειτουργῶντων expo-
nunt

f) Abr. Angerm. in dedicat. hist. Liturg. & Laur. Raimundi hist. Lit. Msc.

hunc *sacificantibus* leu *missificantibus* g); sed & Liturgiæ appellatio-
nem a vera significatione torque-
ant, definiatur nobis Liturgia
Romano-Svetica, quod sit *nova*
Missæ ordinantia, juxta quam ritus,
preces & cantus in Ecclesia Svec. per-
agerentur; Sacerdoti missam celebra-
turo præscripta. Fuitque idem ac
nostrum Missale, *Svenska Mässa*.
Romano-Sveticam ideo vocari ap-
paret, quod utraque lingua con-
scripta fuit. Non incongruum
forte jam erit origines Liturgiæ
summatim attingere, & L. B. infeli-
cem fœtum ostendere in cunis.
Mortuo ArchiEpiscopo, sollicita-
runt ejus hæredes Pet. Fechteni-
um, Secretar. Regium, ut b. viri
αὐτοῦ γραφὰ ἀπολογητικὰ perlustra-
ret, quodque necessarium typis
mandret b), quod is tunc quidem
diligenter promisit, sed eventus

B 2

lon

g) *Abr. Angerm. hist. Liturg. F. 4.*

b) *Laur. Raim. hist. Liturg. Msc.*

longe aliud ostendit. Prius enim se in consuetudinem ejus callide immerfit Herbestus, cujus compedibus illaqueatus, omnia scripta, occultas Jesuit. machinationes coërcentia, astu removit. Nec animadvertit quis confusurrectionem istam, cum ob altissimum Herbesti silentium, tum quia nulla fuit occasio, de ullo male suspicandi. Hisce duobus accersitus est tertius impostor, Laurent. Norvegus, alias Closter-Lasse vocatus, hunc, ubi primum advenit, in monasterium Ridderholm. introduxit Fechtenius propria fere autoritate, non ob Theologiæ peritiam, quin magis ob lingvæ affinitatem, ut efficacius venenum Liturg. viva voce diffunderet. Hi tres primi Liturgicæ molitionis focii, & præcipui regis deceptores, dum infaustum suum foetum parturiunt, in revisionem ordinationis Eccles. quotidie convenerunt, ac revisam regi obtu-

obtulerunt, qui eam, tamquam puriori antiquitati optime consentaneam, in comitiis Holmens. 1574 à Clero regni approbari voluit. Multis licet religionis mutationem redolere videretur; illam tamen ob pietatis prætectum subscripserunt d. 11. jun. singuli præsentes. Eligebantur quoque ArciEpisc. Laur. Petri Gothus & M. Erasmus Nicolai Episc. Arosiensis. Interim tamen novi electi confirmationem reg. prius non obtinuerunt, quam articulos 17 i), qui fundamentum sunt totius Liturg. propositi, Holm. mense Decemb. occulte subscripsissent. Præter hos, revocati sunt Holm. 1575 Jan. tres alii Episcopi & 3 pastores, adjectis prædicatoribus Holm. Ecclesiæ. His proposuit Fechtenius 17 illos artic. & novam ordinantiam, de quibus in mensem usque Martium disputabatur. Tandem vero præside Fechtenio,

B 3

omnia

i) Baz. lib. 3. c. 18.

omnia fere & proponente, & concludente *k*), nominorum subscriptione, paucis frustra renitentibus, adprobata fuit; provocando tamen ad liberum reliquorum consensum. Hoc idem fecerunt Theol. Profess. Upsal. cum ad illam confirmandam vocati sunt *l*). Redierunt itaque Holm. mente Jun. Episc. cum præcipuis ex Clero: ubi cum plerique, persuadentibus Episcopis & Fechtenio, conceptæ ordinantiæ subscripsissent, celebrata est Upsalia d. 14. Jun. Episcoporum, in omni πανοπλία papali, inauguratio & inunctio *m*). Ea peracta, Episcopos Holmiam secum reduxit Fechtenius, de toto opere religionis deliberaturos. Cum vero tempus protrahi videretur, ad proximum Cleri conventum dilata res est. Promisit interea Fechtenius se ordinan-

k) Abr. Angerm. hist. Liturg. k. 2. *l*) Baz l. 3. c. 21. *m*) Baz l. 3. c. 21. Laur. Raimundi hist. Liturg. Msc.

dinandis privilegiis incubiturum: unde omnes, data prius nova subscriptione, dulci spe onusti discefferunt; nec umquam postea de illa materia conventus habitus, aut dijudicatio instituta est. Hac jam πρόπολι sic expugnata, in lucem prodiit monstrosa illa Romano: Svetica sphinx, Liturgia.

§. IV.

Post discessum Cleri coagulaverunt tres supra dicti feciales, in Ecclesia Svec. usurpandum Missale, cui, quo odiosum nomen Missæ evitarent, inscribere titulum: *Liturgia Svecanæ Ecclesiæ, Catholicæ & orthodoxæ conformis*. Medium paginae in duas fuit divisum columnas, quarum sinistram occuparunt Psalmi Davidis, aliæque preces lingua Romana, dextram lingua Svecana, juxta interpretationem Jesuitarum. Hic fuit ipse textus, majusculis literis editus. Fuerunt præ-

terea ab utroque latere marginalia, scholiis, minori prælo, referta. Hanc confirmarunt primi articulo-
rum receptores, nova aulicorum
persuasione circumventi, Holm.
Fest. nativit. Christi 1576; adjecta
tamen clausula, *salvo iudicio aliorum*.
Propter nudam hanc subscriptio-
nem, Liturgiam pro sua agnosce-
re coactus est Gothus, quam Jesui-
tæ tripudiantes, puerorum instar
in arundine longa, non requisito
plurium consensu, curante Closter-
Lassio, publicare festinarunt. Quum
autem Liturgia ἀκρίβεια ἦν, ac-
cessit ex eadem officina præfatio,
præmittenda, quæ ob similem cor-
rectionem, quam in hoc requirebant
insidiosi fabricatores, facta est Go-
thi. Sic iterum in Svecia, exce-
pto Ducatu Suder. Neric. & Verm-
landiæ, Missa papistica, etjam ab
ipso ArchiEpiscopo die nat. Christi
1577, & veteres cantus chorales,
non sine sacrificulorum magna diffi-
cultate, in usum redigebantur.

§. V.

Publicata jam Liturgia, e re fuit excogitare modum eam promovendi; namq; Liturgici ab autoritate & consensu ArchiEp. pendere sibi videbantur. Quod si quis rationes anti-Lit., etjam firmissimas, proferret, responderunt; *Quid Tu? Es tu doctior, ArchiEpisc., tanto Theologo? qui eam approbavit, aliisque commendavit n).* Horum igitur repugnantiam ut sua autoritate coërceret ArchiEpiscopus, suaserunt Holmiam mense Sept. revocato, ut ejus voluntate simul acquiescerent. Prioris ita clausulæ, *salvo iudicio aliorum*, ArchiEpisc. oblitus, in ipso dissensionum æstu, strenuus factus est defensor impietatis. Quid? quod ipsum regem ita possidebant Liturgistæ, ut animum ejus quo vellet cunque inclinarent. Eorum instinctu, per legatos, Comitem

B 5

Pont.

*n) Abr. Angerm. hist. Liturg. P.3.
Laur. Raim. hist. Liturg. Msc.*

Pont. de la Gardie, & Secret.
 Fechtenium (qui tamen prope
 Borckholm Oelandiæ, nave scopu-
 lis illisa, aquis submersus misere
 periit) Romam 1576 missos, con-
 firmationem Papæ Gregor. XIII.
 Rex tentavit. Interea alio usi sunt
 Liturgistæ strategemate; literas,
 sub politicæ obedientiæ titulo, ab
 omnibus qui parochiis sive scholis
 erant præficiendi, extorquendo o-
 bligatorias. Siquidem autem his
 non potuerunt veritatis amatores
 ad hypocrisin duci, alia ἐπιχειρή-
 ματα ex officinis carnificum ad-
 ducebantur, in quas, tamquam in
 boum præsepia, detrudebantur.
 Hinc qui liberari cupiebant, pri-
 us juramento promittere cogeban-
 tur, *se nihil ore vel opere, scripto
 vel consilio, privatim vel publice ad-
 missuros, quod S. R. M. voluntatem
 in causa Liturgica vel alia infringat o).*
 Juramenti adfert Joh. Salemonta-
 nus

o) Baz lib. 3. c. 57.

nus hanc formulam p): Doch til
 yttermera wijsö / at jag thetta före-
 strefna hålla skal och wil / beder jag
 mig så sant Gud til hielp til siel och
 lif. Och om jag här emot nogor-
 ledes gör / så skal thenna förplik-
 telse komma mig til fördömmelse och
 min siels salighets ewiga förtapelse /
 therföre hwarken böner eller för-
 böner / skrifterne eller Sacramen-
 tet hielpa skal. Ufus insuper Li-
 turgiæ, in comitiis Holm. 1577.
 d. 15. Febr. approbatæ, ut in Eccle-
 siam introduceretur Gubernatori-
 bus provinciarum mandatum est q).
 Sed rediit jam Dn. Pontus, & mox
 Anton. Possevinus, Jesuitarum Ar-
 chisophista. Quo horrenda sua
 σκῦβαλα Ecclesiæ violenter obtru-
 dente innotuit primum rugitus pa-
 palis. Scitote, inquiebat cum suis
 asseclis, nos inobedientiam in causa
 religionis haud quaquam posse, aut
 velle

p) in Præf. operis supra cit. § 6.

q) Baz. lib. 3. c. 34.

velle boni consulere r). Hinc postea nata inquisitorum rabies: hinc edictum reg. 1580. d. 19. Maji, singulos pastores jubens, ut se in singulis missis totam Liturgiam quoad singula puncta servaturos, juramento quotannis confirmarents): repugnantes velut perjuros, ἀπεροσηγορήτας, & putrida regni membra resecanda. Sed cum neq̃ sic omnes ad obsequium redigi possent ad artes vulpinas relapsum est, qualis hæc; *aliquid saltem, fratres charissimi ex Liturg. servate, propter aliquam conformitatem, ne videamur discordes esse t*). Amplificata est quoque diœcesis Lincopensis, repetitumq̃ edictum p. m. regis Gustavi de accidentiis circa sepulturam. Sub toto demum tempore Liturg. non defuerunt, qui stylo gladios acuere conati sunt; infinita quippe fere spargebant Liturgi-
stæ

r) Abr. Ang. hist. Lit. f. 3. s) Baz. l. 3. c. 43. t) Abr. Anger. hist. Lit. f. 5.

stæ κακόγραφα & fætentia plaustra
 pasquillorum, quorum maxime
 blasphemum est & nefandum Clo-
 ster - Lassi & ejus asseclarum, quod
 verbotenus legitur apud Laur. Rai-
 mundi u), sub nomine Diaboli edi-
 tum; & nociva Apostatæ Andreæ
 Laur. Bothn. ArchiEpiscopi pro-
 testatio x). Quam maluissent effu-
 sionem sanguinis, nisi sapientia
 Magistratus abominabilem ausum
 subsensisset, ipsi nos docent, quo-
 rum voces hæ subinde auditæ;
numquam fore bonum Ecclesie statum,
nisi aliis in terrorem quibusdam pur-
pureus distilletur sudor y). Sic jam
 vi exemplorum, blanditiis, violen-
 tia, ac indefatigabili fallacium de-
 clarationum abundantia, plurimos
 sibi attraxit Liturgia.

§. VI.

Quamvis vero plurimi, obliga-
 torium hamum deglutitum, infixio
 pro-

u) *hist. Liturg. Msc.* x) *Laur. Raim.*
hist. Lit. Msc. y) *Abr. Ang. hist. Lit. G. 6,*

profundus uncinulo, ejicere nescientes, vehementem pati μεταμόρφωσιν, & deficere deprehensi sint; non tamen ita pauci, DEi beneficio, ex hoc strepitu expergefacti, in delubra papistica, quæ Liturgia nobis propinavit, acerrime invehebantur. Inter hos primas facile laudes sibi vindicat Illustriss. princeps Carolus, Suderm. Neric. & Vermelandiæ Dux, & clerus ejusdem ducatus z). Cum enim per legatos, L. B. Georg. Bera / Eric. Sparre & Secret. reg. Eric. Mathiæ, Duci oblata fuit Liturgia d. 8. Mart. 1576. cum petitione, ut illam in Ducatu promulgari, & missam ad hanc normam administrari curaret, respondit; *neque sibi, neque regi liberum fore, ut, cum reformatæ religionis veritate, tum testamenti paterni, aliquam religionis mutationem admittere, eamque conscientiis clericorum obtrudere a).* Quapropter

z) Laur. Raim. conf. Baz. l. 3. c. 42.

a) Baz. l. 3. c. 42.

propter Nycop. 1577. d. 27. Sept.
universum convocavit clerum, ubi,
habito concilio, literis & juramento
juncti se obstrinxerunt Liturgiam
numquam accepturos, nec ab Au-
gust. Confess. in ulla parte deflexu-
ros. Rege vero incessanter Liturg.
approbationem urgente, anxie so-
licitus Dux quemadmodum res ca-
deret, clerum ad d. 1. Maji 1587.
convocavit Stregnesiam. Hic per
septimanam commorati, singuli pro
se suas rationes anti-Liturg. tradi-
dêre, quæ collectæ ab eruditissimis,
mensum adhuc remanentibus, in-
scriptum commune redigebantur,
mittebanturque regi *b*). Sed fir-
mum stetit & *prævaluit verbum*
Regis, ideoque clerus Ducatus pu-
blico edicto perjurii condemnaba-
tur 1588. d. 12. Febr. Quo cogni-
to rursus conventum est Orebrogiæ
principio Apr. 1588, ubi prodiit
nova Stregnensium apologia.

§. VII.

b) Laur. Raim. hist. Liturg. Msc.

Regnum vero totum fæda colluvies Liturgica inundavit, præter paucos valde, puro verbo DEi munitos, quorum in numero ministri Ecclesiæ Holm. Olaus Medelpadius pastor, Abrah. Angermannus Schol. Rector, & Sacellani Dn. Pet. Erici & Ericus Petri exstiterunt primi. Hi, ad mandatum Regis, eruditas collegerunt rationes 1576. d. 1. Sept. cur Liturgia recusanda. Quanto pietatis ardore M. Abrahamus Angermannus se Liturgiæ opposuerit, scripta ejus ἐλέγχτικα, in quibus adversus Liturg. calamum strinxit, ostendunt. Hos sequuti sunt Theol. Profess. Upsal. Mag. Pet. Jonæ Helsing. Mag Olaus Quuth & M. Hindr. Gadolenus, qui ὀρθοδοξίαν, prius Holm. d. 10. Jan. 1577 adversus Closter-Lassium defensionem, d. 27. ~~dic~~ testimoniis Lutheri, Chemnitii, Georg. Majoris & Flacii, comprehenderunt. Hac eorum

eorum disputatione, maxime autem visione infernali c), Salom. Birgeri Past. Holm. motus, Liturgiæ ἀπὸ τοῦ ἐστι suggestu renuntiavit, & scriptum anti-Liturg. reliquit. Huic proximus fuit Martinus Episc. Lincolniensis, cui, in comitiis Holm. d. 13. Febr. ejusdem anni, solo à sinistris relicto, ArchiEpisc. Laur. Gothus, Closter Lassius & Episc. Aros. Liturgiam propugnantes, mutatis vicibus, ad vesperam usque negotium fecerunt: mansit tamen Martin. immobilis & contra Liturgiam scripsit. ArchiEpisc. Laur. Gothus, observans tandem laqueos, eruditum contra molitiones papist. tractatum ἀνῶνυμον edidit. Noti sunt quoque Professores Upsal. Mag. Pet. Kenicius, Nicol. Olai Bothn. & Ericus Skinnerus, quibus accessit 1590 Eric. Skepperus Rect. Scholæ Holm., quod ore & scriptis Liturgiam repudiarint. Hinc non

C

exclu-

c) Abr. Angerm. hist. Liturg. E. 8.

excludendi sunt exteri Aug. Confess. Theologi, utpote Vitteberg. Helmstad. Lips. & Francot. ad Oderam; nec non Superintend. Jac. Rungius, omnes uno ore Liturgiam improbantes. Infima quoque plebs, mutationem docendi sentiens, facile turbas excitasset, nisi quidam pastor Liturgicus cum quodam rustico silentium stipulatus fuisset. Quæsiuit enim pius quidam rusticus, crebro fabulosis sui pastoris concionibus offensus, *cur sic docendi modum mutet. Quasi tu, inquit pastor, de concionibus judicare posses. Immo, ait alter, utcunque sit, à pia docendi via discedens frivola sæpe adfers. Fortasse nobis in fraudem: ego plures monendos esse censeo, ut simus vigilantiores. Tum pastor, mi vicine, boni semper fuimus amici; ne facias; habet suam causam: dabo tibi taurum d).* Sic rusticus abduxit taurum, & conticuit.

§. VIII

d) Abr. Angerm. hist. Liturg. H. 6.

§. VIII.

A silentio denique vindicanda erit *παρρησία* Vexionensium, qui ut ultimi defecerant, ita primi, conscientia victi, resipuerant, & per duos pastores, quorum dona Eccles. Hom. pastore orbata, exorabat, supplices contra Liturgiam literas regi obtulerunt: libertatem, quam Christus nobis acquisivit, sartam tectam exoptantes: ac, ne traditionibus humanis in causa religionis alligarentur: provocando simul ad concilium nationale. Hæc eorum protestatio acerbum, primo à rege tulit responsum; sed, nolentibus pastoribus cum hoc ad suos redire, & ægritudine regem vehementius premente, per Senatores regni Illustriss. Dn. Claudium Bielke & Benedict. Ribbing mitigatum fuit, Regina Gunilda haud parum adjuvante, moderationem causæ Liturgicæ concedendo, donec rex convalesceret. Verum

ansam convocandi patriæ clerum;
 regi præripuit indies augescens
 morbus, quique vitam mense Nov.
 1592; decurtavit; atque sic conti-
 cuit cum morte Regis factio Litur-
 gica. Renunciavit etjam naturæ
 ArchiEpisc. Andreas 1591, ut cor-
 datis amplius nihil mali à Liturgi-
 stis expectandum erat. Quâ vero
 intentione Rex Johannes & Regi-
 na Catharina Jagellonica; quaque
 Jesuitæ Liturgiam in Svec. infer-
 re voluerint, futura, si DEO, &
 iis, quorum interest, ita visum
 fuerit, ἐπιχειροῖς pro viribus expli-
 cabit, cui quoque Liturg. effectus
 adjungeretur. Hæc interea, quæ de
 ortu Liturgiæ & progressu breviter
 judicio Tuo L. B. exposui,
 æqui boniq; consulas,
 enixe rogo.

Δόξα τῷ Υψίστῳ.



Pereximio Domino
ANDREÆ LINDER,
Populari & Amico suo integerrimo,
De
Liturgia Romano-Suetica
propediem disputaturo.

ARrtes dum stygias nobis descri-
bis, Amice,
Aufoniæ impostor, quibus heic ex-
stingvere quondam
Lucem Evangelii cœlesti e lumine
verbi
Accensam studuit, tenebrarum &
regna referre.
Ecce TIBI Pallas & Pindi præsul
Apollo
Pro meritis spondent vernantis præ-
mia lauri.

*Ita paucissimis licet verbis;
prolixiori tamen affectu
gratulari voluit*

CAROLUS AGERTHINUS

VIRO JUVENI;
Moribus & literis præstantissimo,
Dn. ANDREÆ LINDER,
DE
Liturgia Romano - Svetica,
egregie differenti.

C*atholica ut Siren Patriæ stupefecerit oras,
Dira superstitio quam nova sacra paret;
Dum Sveonum quondam moderatur regna Johannes.
Hæc Tua nos, LINDER, pagina docta docet.
His faveat cæptis summus Moderator Olympi,
Præmia quo tandem digna labore feras.*

OLAVUS LINDBERG.

Til then wällärde
Herr **AUCTOREN,**

Då han om
Romare: Swänsta Mågan
Berömligen disputerade.

Den stora Guder's stora namn
Ät fläste folkslag dyrkas;
Doch olit Gudstjenst finuer man
Hos största delen yrkas.

En många finn's som tänkia sig/
Then rätta Guden söka/
Då the sin hufwud flitelig
För stumma bilder kröka.

Så gjorde fordom folk i Rom/
Som Påfwens stadgar höllo/
Och hålla än för heligdom/
Uti Guds hämd doch föllo.


Thet onda gift ock spriddes ut/
Kring många länder andra/
At Götha Rike most til slut/
På all thes dichten klandra.
Then

Then thetta önskar rätt förstå!
Han bör gran achtning gifwa /
På hwad Herr Linder wittert må
Om Liturgien skrifwa.

Then han fast ömnigt wisat har
Til sit beröm och heder /
Som präglas skal i minnet qwar
Fast bättre än i Ceder.

Sidst at Er Lind / som bladen grön
Om wintren bär / och grönskas /
Må Sommartiden fruchter skön
Fram gifwa / af mig önskas.

S. A. Santheson.



A. D.

DISSERTATIONIS HISTORICÆ,

DE

8.

LITURGIA

ROMANO-SVETICA,

P ARTEM POSTERIOREM

Ex Suffragio Ampliss. Facult. Philos. Ups.

PRÆSIDE

CELEBERRIMO VIRO

DN. LAURENTIO

ARRHENIO,

Histor. PROFESS. Reg. & Ord.

h. t. RECTORE MAGNIFICO,

In Audit. Gust. Maj. d. 14. Junii

Anni MDCCXXIX

horis solitis,

Pro summis in Philosophia honoribus,

examine publico exhibet,

ANDREAS LINDER,

SMOLANDUS.

UPSALIÆ, Typis WERNERIANIS.

Amplissimis &

**DN. JOHANNI
LINDERSTEDT,**

Judici, per Roslagiam, Territoriali
æquissimo,

*Evergetis**VIRO Spe*

DN. ERICO

Reg. Coll. Metall.

Benefactori

T Ergeminæ, si quando, animis linguisque
favete

Nunc, mihi nunc voces cultas date, pignora Pindi,
Quæque *Viros* deceant, tantos deceantque *Patrones*;
Sustinuit quibus alta Themis se pandere totam,
Cœlestisque Astræa reclusit pectoris ima;
Quemque, nigrâ fuligine tinctis, Penniger ales
In caveis, antrisque facit properare profundis,
Perque cavernosos jussit penetrare meatus;
Rite ut quisque loco legum moderetur habenas.

Ampliss. Consultiss. & Spectatiss.

cultor

ANDREAS

RIS

Consultissimis,

**DN. LAURENTIO
STOCKENSTRÖM,**

Judici, in Nericia, Territoriali
æquissimo,

Optimis.

Ætatisimo,

STOCKENSTRÖM,

Notario vicario perindustrio,

Optimo.

Gratia tarda meis nullis fuit usibus un-
quam

Vestra, favoris ego donec sum inclusus in umbra
Communis. Si animi obsequio hujus non meminissem;
Improbis & lapide atro essem dignusque notari.
Quæso, hæc pro magnis sumatis vilia dona,
Quæ, placeant modo, sic *Vobis* me debeo totum,
Grates persolvat meritis moderator Olympi,
Pro quibus affirmat fore se memoremque piæque,
Sive diem videat, cinere atro sive tegatur,

Nominum Vestrorum

humillimus

LINDER.

Til

Sin Bror och Landsman/

CANDIDATEN

Herr ANDERS LINDER,

Då Han andra gången om Liturgien
med beröm Disputerade

Det Satan ej får fram med trug/
Tro frit han alltid är så slug/
Med list och fina ränkor drifwer.

Hur' genom konst med Liturgie,
För rent Guds ord / Bapisteri
Han wille gje/ther om Bror skrifwer.

För siß Ehr tjenst lär Far i Rom/
Ej torf der någon twisla om/
Ehr mycken tack och heder giöra;
Til Abbot eller Cardinal,
Och gie Ehr rum i Påfwe-wal/
Samt sidst i Helgons-rullan föra.

Låt wara at han glömer sig;
Skal dock Ehr sit ei olönt bli:
Man snart Ehr skall en Lager gifwa.
Jag önskar trogit / också spår/
At J för möda hugnad får.
Bland Helgon Gud Ehr wil inskri-
wa.

N. M. GRÖNQWIST.



A. καὶ Ω.

CAPUT TERTIUM.

De singulorum Liturgiam promoventium institute.

§. I.

Versutias Sathanæ, Dei & ecclesiæ hostis, varia obstacula promovendæ pietatis, & numerosa impedimenta veræ religionis piis objicendo, omnis loquitur historia. Novit enim is, ab initio usque temporis mille induere formas, non ad hominum vulgus tantum, sed acutiores etiam & providos magis seducendos dispositas. Modo namque sub pelle leonina, in persecutoribus piorum latens, ecclesiam infestat: modo vellere indutus ovili in scenam prodit, & per falsos doctores, quorum caput in senio

nio mundi factus est homo peccati
 Papa Romanus, toxica spargit. Sugge-
 stionibus ductoris sui hunc sedulo sem-
 per paruisse, &, ut totum mundum
 ejus, cujus vices gerit, & suæ subji-
 ceret servituti, toto pectore incubu-
 isse, testantur antiquioris ævi anna-
 les. His denique fraudibus divina gra-
 tia detectis, prævidit omnis pietatis o-
 sor ædificii sui imminentem ruinam.
 Quo igitur studia jam exculta, non
 tantum non detrimenti quid, quin
 magnam potius regno tenebrarum ad-
 ferrent utilitatem, Ignatio mox, ar-
 repta occasione, indidit, qui se illati re-
 paratorem damni, scholararchiam in se su-
 scipiendo præberet. Ex hoc deinceps,
 arx & propugnaculum Papæ, ordo Lo-
 joliticus prodiit; cujus præcipua est
 cura, ut vulnera bestię, deperditarum,
 uti dicunt, ovium recollectione, me-
 deantur, eandemque continua novo-
 rum civium accessione saginent. Hoc
 suo officio, quam intenta diligentia
 tempore Liturgico in Svecia perfuncti
 sint Jesuitæ, sequentia dabunt,

§. II.

Pontifices Romanos, inde a tem-
 pore reformationis, summo studio e-
 laborasse,

laborasse, ut regna septentrionis, cu-
jus initium de regno Sveciæ caperent,
sub jugum Romanum reducerentur, ple-
nissime quidem ex effectu operis Li-
turgici judicatur: sed nec ex scriptis
Jesuitarum, partim ante confusionem
Liturgicam, partim in ipso tumultu
editis, & aliis machinationibus, idem
obscurè colligitur. Non quidem, re-
stituto literarum nitore, adeo super-
be & pro imperio, ut antea, im-
pietates suas populis protestantibus ob-
trudunt; sed in hoc maxime desu-
dant, ut illos in gremium ecclesiæ
suæ aliis, quibus possint, speciosis
artibus retrahant. Harum una, eaque
inter præcipuas est, ut Evangelicis
matrimonia cum catholicæ religioni
addictis principibus ineunda persua-
deant *a*). Sibi namq; variis exemplis
notissimum habent, principes regno-
rum multa blanditiis conjugum cessisse,
siquidem *asperiores sunt*, teste Ambro-
sio *epist. 33., tentationes, quæ fiunt per
mulieres*. Tentarunt quidem antea, ut
Gustavum I. his ipsiis compedibus con-
stringerent, nuptias inter hunc &
Hedvigam, Poloniæ regis Sigismun-

di I. filiam, paciscente Joh. Magni Archiepiscopo Upsaliensi, in qua defensionem & patrocinium religionis Papisticae quaereret *b*). Sed constans ille veritatis confessor & pietatis alylum, sponsa, conditionibus & dote repudiatis, non passus est se hisce laqueis irretiri *c*). Licet igitur iam spe frustrati discedere, & proposito abstinere coacti sint, nimio tamen amore in hanc sponsam, ecclesiam Svecanā, incensi, non potuerunt, quin ulterius, an. 1562, eandem ingrederentur viam, feliciorem, Gustavo jam mortuo, sibi promittentes successum. Quamprimum enim sollicitarat Johannes dux Finlandiae nuptias Catharinae, filiae Sigismundi Augusti, regis Poloniae, easdem conciliante Joanne Baptista Thencinio *d*), fuerunt mox à parte Catholicorum hæc conjugii istius postulata: ut non solum ipse, sed & totum regnum, si rex fieret, dogmata Papalia amplecterentur *e*). Ne vero simpliciores, quin & oculatiores nudis fraudem viderent oculis, technasque consilio & auctoritate Jesuitica peragi suspicarentur, opera

41
opera potius indigenarum, quorum
præceptis securius antagonista acqui-
escerent, uti voluerunt: quum propter
mutatam, a principe, vel publice vel privatim
religionem patriam, & ob peregrinam su-
sceptam, populus à principe sæpe descisce-
re soleat f). Hos igitur, persuasioni-
bus & spe opimioris præmii & ma-
joris auctoritatis obtinendæ seductos,
strenue in castris illorum militasse,
infra dicetur. Obtinebant tamen, ut
reginæ a sacris concionibus concedere-
tur *Herbestus*, in quo maximas spes
posuerunt suas. Hic igitur, extorto,
quod sibi injunxerat Archiepiscopus
Laurentius Nericius, reticentiæ ca-
pistro, nullis sui officii partibus um-
quam defuit, quin dies noctesque
cogitationibus suis in id unice, quod
ad curiæ Romanæ incrementum per-
tineret, invigilarit. Quo etjam bre-
vi effecit, ut non tantum civium, tam
secularis, quam ecclesiastici ordinis,
sed etjam summi magistratus favorem
speciosis suæ religionis delubris con-
ciliaret.

a) *Pufend. Introd. ad hist. Stat. Europ.*
c. 12. §. 39. b) *Pufend. Introd. ad hist.*

*Svec. pag. 312. c) ib. p. 327. d) Heidenstei-
nius de bello Moscov. lib. 6. pag. 238. e) vid.
Diss. part. prior. cap. 2. §. 2. f) Danaus
in Aphorism. polit. pag. 204.*

§. III.

Interea dum hæc aguntur, nec
otio vacabant Jesuitæ exteri, quorum
Stanislaus Hosius, Cardinalis & Epi-
scopus Warmiensis in Borussia, sin-
gulari in antichristum zelo, id præ-
cipue suarum esse partium duxit, ut
tenellis hisce initiis suo quoque sub-
veniret consilio. Cognita namq; Her-
besti, animos ad orcum pervertendi
dexteritate, ejusque haud spernendo
successu, crebro literas, fastum non
parum sapientes, reginæ Catharinæ
dandas exaravit. In his ipse, tum quod
non ab unitate ecclesiæ catholicæ, in
ulla re divelli se passa fuerit, tum
quod salutem mariti sui tantopere si-
bi curæ esse, ostenderit, reginæ gra-
tulatur: quin &, ut in fide catholica
perseveret; auctoritatem pontificis a-
gnoscat, & regem ab erroribus, in-
quos, ut perhibet ille, fraude mini-
strorum Sathanæ adductus est, ad Gre-
gorium XIII, patrem omnium fidelium

& pastorem ecclesie universalem, evoca-
 re enitatur, graviter eam monet. E-
 andem fere sententiam scripsit Regi
 & aliis, quos id ipsum apud regem
 obtinere posse putabat: imprimis o-
 mni conatu, calicis usum laicis, in
 S. Cœna, quasi minus ad salutem
 necessarium, dissuasit, donec prius se
 vicario Christi subjecerint, & *sacris-
 tium missæ*, ut signum reditus ad ec-
 clesiam, *cum omnibus suis cerimoniis re-
 stituerint a)*: tum enim de reliquis per
 eum, cui claves regni cœlorum commisse
 sunt, suo loco & tempore statui recte po-
 terit, habent verba Hosii ad Herbe-
 stum *b)*. Hæc & alia huc facientia,
 quo penitius animo regis Jesuita in-
 stillaret, varios ipsi libros Papisticos
 curabat transmittendos, quorum qui-
 dam denuo Holmiæ excudebantur, ut
 Consultationes conciliandarum reli-
 gionum Cassandri, Vincentius Livi-
 nensis de antiquitate fidei catholicæ, &c:
 ex quibus & ipse, & reliqui omnes
 fundamentum fidei Romanæ cerne-
 rent, haurirent. Interea efflagitare
 non destitit, innocentem patriæ pro-
 lem, ad Scholas & Academias Jesuiti-
 cas

cas , præcipue Romam mitti , cui Papa suo sumtu , & libros , & reliqua necessaria provideret c); non quidem ut bonis literis ibi & moribus expoliretur, & in vera pietate informaretur , sed diabolo sacrificaretur. Hujusmodi impensas magno desiderio sibi assumere Papas , ex Jona Meldorpense constat d). Cum jam , facta missione juventutis patriæ , regem in partes suas paullo altius inclinare videbant , occasionem exinde sibi plures , in regnum , collegii sui socios mittendi sumere , qui , donec ex profectis , papistica impietate imbutis , idoneos haberent coadjutores , ne multiplicari cohortem suam in offensam civium necessum esset , regem interim instruerent , reginam confirmarent , atque plebem converterent e). Hi , ut Hosius suis epistolis , assidue inculcarunt regi , ut quamprimum , rupta omni mora , & semota quavis cunctatione , mitteret , qui se pontificis , paternam in Svecos benevolentiam ostendentis , filium obedientem promitteret. Sic ludit Sathan , ut prius abs hominibus agnitionem supereminentiæ suæ efflagitet , quam
ulli

ulli eorum petitioni gratificetur: facilius sibi ratus, tum demum eos ad acquiescentiam placiti sui cogere. Regem, diu licet, an hoc iniret pactum, cunctantem, fraus tandem Jesuitica, sedis suæ sanctitatem & antiquitatem præ-tendens, vicit, ut in legationem hanc Pontum De La Gardie, Virum alias summum, & immortalibus de patria meritis conspicuum, & Fechtenium, ablegaret. Multo, hoc evicto, animosius, victoriam in manibus rati, & cum tripudio Svecos insultabant; ut Kloster-Lassius vulpinum cor iuum magni coetus clero, in sacrario Holmensi congregato, ingenue Papam Romanum caput ecclesiæ proclamans, prodidit f).

a) Baz. l. b. 3. cap. 16 b) id. l. 3. cap. 28. c) Pufend. *Introduct. ad hist. stat. Europ.* c. 12. §. 39. Baz. lib. 3. c. 14. 16. & 26. d) de *Molitionibus Rom. Septentrionem sub iugo reducendi.* e) Jon. Medorp. l. c. f) Laur. Raimund. *hist. Lit. Mss.*

§. IV.

Quum autem ex hoc & aliis aperti sint quibusdam oculi, ut liquido cognoscerent, hanc rem non se puriori

puriori antiquitati conformandi ergo, ut prætendebant prius Jesuitæ, sed in gratiam sedis Romanæ peragi, delubris istis & imposturis, Liturgiam in totum rejiciendo, strenue se opposuerunt. His igitur antagonists, quos nec venenatæ persuasiones, nec ullæ figuratæ declarationes, placare poterant, ut obviam iretur, validum hoc, e veteri quodam promptuario, antidotum protulerunt: *Sumere de hæreticis supplicium, tam de Lutheristis, quam de Calvinistis, apud Catholicos nunquam fuit in dubium vocatum, quem canonem regi subinde in memoriam revocabant a).* Stupenda sane res Hosio videtur, quod subditi audeant præscribere principi, qualem in religione se gerere debeat. Ut igitur sciret rex juramento, subditis in coronatione, de libertate religionis Evangelicæ retinenda, dato, se non alligari, illud regi & Secretario Stanislaſo Rescio solvendum his svasit: *Mitto tibi turpissimi illius jurisjurandi formulam, qua usi sunt oratores, cum rex eligeretur, urgentes, libertatem religionis esse hæreticis concedendam. Dabis omnem operam, & omnibus*

omnibus modis contendes & elaborabis; omnem, quod ajunt, lapidem movere non cessabis, ne S. Rex adprobet iusjurandum hoc; etsi Majestas ejus jam approbasset, non teneri tamen ut præstet. Nullam sevitiæ præ se ferat; sed neque lenitudinem. Illius dicti meminerit: sevit in bonis, qui parcit malis. Nullos hæreticis honores, nullas præfecturas, nulla publica munera deferat. Quin si fieri possit citra tumultum, quamvis non initio, tamen dicat aliquando: qui nolunt in eodem secum esse templo, ne sint in eodem senatus habendi loco. Quod si cognitum fuerit, intra unius aut alterius anni spatium erunt omnes Catholici b). Quo consilio in actum deducto, non veritus est impostor scortorum & adulterorum Kloster-Lassius, de se suisque catellis dicere: Videbitis, quod intra annum imperabimus c). Additis namque minis potestatis civilis, quidvis, maximo licet scelere conjunctum, simplici populo obtrudere licebat.

a) Vid. part. prior. c. 2. §. 5. b) Baz. l. 3. c. 13. c) Angerm. hist. Liturg. lit. 2. §.

Ut denique omnium prorsus, ab avita religione evangelica, averterent animos, prolixam congeffit Kloster-Lassius epistolam, toti presbyterio regni, sub nomine ipsius sathanæ scriptam. In hac sathan rex inferorum illos omnes, ut suos juratos subditos salutet, eosque suum verbum in ecclesiis suo populo prædicare cohortatur; quo tandem Luthero & Laur. Nericio, quos se in sua regna Flameburgum usque abripuisse ait, congregentur, ut pluribus apud Laur. Raimundi a) videre est. Huc pertinet quoque scriptum Possevini, editum, contra Dav. Chytræum, evangelicæ religionis doctorem, cujus, ut aliorum similium, scripta, errores & idolomaniam papisticam coërcentia, nostris tanti esse pretii invidebat. In id igitur incumbit Possevinus hic, ut illum non solum, sed Lutherum, aliosque Theologos constantes, quos regnum nostrum hæresi infecisse adserit, quibus possit convitiis deformet. Quorum autem hæc omnia tendebant, nisi ut nostris daretur de veritate religionis

gionis suæ ambigendi occasio; & catechesis Lutheri, aliaque piæ scripturarum interpretationes, sensim in suspicionem venirent; ac tandem uno impetu, ex manibus juventutis & ecclesiæ, restitutis juxta subscriptionum decreta patribus, fermento pontificio depravatis, excuterentur? Nam per nomina pie defunctorum ecclesiæ doctorum, illos nostræ salutis jugulum petiisse, valde pronum est colligere. Sed nec vivis parcitum est, ut Kloster-Lassius, cum suis synagogianis, de quatuor potissimum in hunc modum lusit:

*Delirum senem te nullus, Olæ, negabit,
 Stultus eras infans, Vir, puer & juvenis.
 Non ego Professor sum prudens Upsaliensis,
 Me volo, me conor perdere, me cupio.
 Cum bene conveniat cum spurco stercore
 steruus,*

*Jure Lutho liceat commaculare lutum.
 Scis, Abrahame, DEi, regisque & Præsulis
 osor,*

*Quod merito perdes corpus, opes, ani-
 mam.*

*Tres dominos spernis, tres debes pendere
 pœnas.*

*Cur ita? nam justum, par retulisse pari.
 Quin*

Quin te Missa premat, & Missa missio fiat,
 Illa quæ purget sic tua, ne noceas
 Transmitteris adhæc, & ab his removeberis oris,

Missio de Missa fiat ut æqua tibi.
 Sedibus ex patris quod si mittamur, oportet

Nos Abrahamitas visere jure Scythas b).
 a) Hist. Liturg. mss. b) Angerm. hist. Lit. K. 6.

§. VI.

Fuit quidem hujus instituti magna vis, sed non quæ desiderio eorum respondebat: multis namque, Liturgiam hucusque adprobantibus, occasionem præbuit, majori cura mysteria hæc Liturgica evolvendi. Facta igitur ab his separatione, ne plures offenderent, reversi sunt, unde digressum erat. Instituta sunt, inter Episcopos & sacerdotes, disputationes theologicæ, quibus in mutua odia irritati sunt, de quo Abr. Angermannus queritur: *An vero tantisper turbabimus ecclesiam, & inter nos Βατταχομνομαχίαν* exercebimus, donec aquila erit judex, b. e. donec Posseviniani ordinis quispiam peregrinus doctor & episcopus, sub sancta specie religionem

51

*nem reformabit, conformitatem constituet,
& sub anticristi jugum colla nostra incur-
vabit a)? Quanto pontificiis emolu-
mento semper fuerint contentiones &
diffidia, ac inutiles plerumque rixæ,
quibus adversariæ religionis theologi
se lacerarunt, historiæ passim docent;
nam decet, inquiunt, hæreticos in mu-
tua arma incitare: bellum enim hæretico-
rum pax est ecclesiæ b). Aderat quoq;
jam tempus, quo Sveticæ gentis alu-
mni, absoluto Romæ & alibi, in palu-
de meretricia, studiorum cursu, in
patriam remitterentur, ut in natale
solum virus attractum fortius effunde-
rent. His adjecta est alia turba raso-
rum, cui Possevinus, præcipuus ha-
rum missionum Brunsbergæ residens
director, instructionem hanc insidiis
plenam dedit: ut essent invicem unani-
mes, ne per dissensiones impediretur opus:
ut professionem occultarent, ne iis, unde
aliquid incommodi posset oriri, patefierent:
aperte vero, aliis se esse nuncios ad prin-
cipem Sigismundum; aliis se ob musicam
à regina procuratos esse dicerent: ut ve-
stes, mitras, seu galeros, more Germa-
nico, ne agnoscerentur, mutarent: ut con-*
 filiis

filiis sociorum in aula notissimorum uerentur: &c. quam duodecim articulis comprehensam recitat Bazius c). Huic similis est Hosii ad Herbestum: Expedit autem, inquit, ut is, qui mittitur ad vos, omnem occasionem fugiat, quâ possint animi omnium offendi. Poterit fidem in cœlum usque tollere: operibus extra fidem factis nihil tribuere: Christum unicum esse mediatorem asserere: unicum illud esse sacrificium crucis, per quod salvati sumus, docere. Quæ cum in genere docuisset, tum demum eorum, quæ docuit, sanum intellectum afferre, & planum omnibus facere d). Ex his jam & similibus aperte constat, quis insidiator, explorator, actionumque ecclesiæ nostræ director illis temporibus extiterit, qui omnia, ne perniciem suam animadverteret, astutissimis consiliis egerit.

a) Angerm. hist. Lit. X. b) conf. Puffend. Introd. ad hist. stat. Europ. c. 12. §. 39. c) l. 3. c. 48. d) Baz. l. 3. c. 28.

§. VII.

Ulterius jam dispiciendum venit, in cuius gratiam, religiosi animi rex tantam religionis mutationem, contra
gl.m.

gl. m. parentis sui testamentum, & agnitam veritatem, inque notabilem cleri, aliorumque conscientiarum offensam, in patriam tanto animo inferendam susceperit. Protestatur quidem ipse, Liturgiam se non adprobasse, in gratiam papæ Romani, sed ad excitandam reverentiam sacramento cœnæ dominicæ a): nec diffitendum est, regem, post mortem Catharinæ, consiliis Senatorum se accommodasse, ut Kloster-Lassium ejecerit, dissipato discipulorum ipsius nido: angularem synagogam papisticam, & reliqua Jesuitarum collegia, Jesuitasque è regno exploserit: & pastorem Holmens. officio privari voluerit. Interim ex totius actionis Liturgicæ processu, cujus plenum fere directorium, sub nomine magistratus, penes Jesuitas fuit, quid in ipso fervore Liturgico cogitaverit, rationibus haud dubiis patet. Quod v. tantam instituti sui moram adhibuerit, ne aperte, ut lubens alias fecisset, cogitationes suas, de catholica religione, profiteri auderet, metus oriundi tumultus, & suspicio in fratrem, Ducem Carolum, effecit,

E

effecit, ut benigne, quo est in me
 favore, Vir Consultissimus Dn. Joh.
 Linderstedt, ex Mss. Prützi b), *De*
jure Svionum publico, mecum commu-
 nicavit. Atque ideo Michaël ab Iffelt
 papista, in commentario suo histori-
 co scribit: *ulterius adhuc in aquilonem*
proficiscamur, Svecorum & Gothorum re-
ligionem videamus: minor quidem hic fi-
dei catholica spes, non tamen omnino nul-
la. Rex enim etsi insignes animi dotes
habeat, tamen non eam libertatem catho-
licae religionis admittit, quam multi de-
siderant c). Ideoque paullatim insti-
 tuit eo (*ad papatum scl.*) reducere o-
 mnia, unde discessum erat. Nam pri-
 mo noluit confirmationem episcopo-
 rum Ups. & Aros., antequam in arti-
 culos quosdam, ceu fundamentum to-
 tius structuræ, & inaugurationem su-
 am papalem consenserint. Deinde,
 cum nullum, extincto cordis mœrore
 Episc. Aboensi, inveniret suo propo-
 sito idoneum, sedem episcopalem per
 septennium vacare fecit. Qui autem,
 rationibus licet firmissimis, Liturgiæ
 se opposuerunt, hos variis modis per-
 sequutus est, carceribus mancipavit,
 quia

quin & propriis manibus pedibusque
 ad herniam usque conculcavit; qui-
 bus, multoties licet ad liberum sup-
 plices provocaverint concilium, spon-
 dentes se, quodcunque verbo DEi
 consonum statutum fuerit, admissu-
 ros, tamen negatum fuit. Hunc re-
 gis decepti furorem auxit adveniens
 Possevinus, persuadendo ei, ut in-
 suggestum templi Ups. Kloster-Lassium,
 de invocatione sanctorum, coram re-
 ge, totoque Sessnatu, concionem ha-
 biturum, mitteret; quod Jesuitis Hol-
 miæ quoque legitur permissum fuisse.
 Regina etiam non tantum liberum re-
 ligionis exercitium, sed & Sigismun-
 dum, regni hæredem suspectis infor-
 matoribus tradendum indulgebat. Tan-
 dem eo adactum fuisse, ut Vadstemi
 religionem catholicam clam confessus,
 more papistico absolutus fuerit, & sub
 una specie communicaverit, habet
 Puffendorfius d). Nihilominus con-
 tendit rex suspicionem Papismi, & o-
 retenus multis, & publico edicto di-
 luere, in quo phrasin, *offerimus filium*
DEi, explicuit: *Asini illi, ait, nesciunt*
Papistas in sua missa, offerentes filium DEi

sacrificium pro vivis & mortuis, non uti voce offerendi, sed sacrificandi. Neque nos illud offerimus svecice reddimus O-fra, sacrificare, sed frambära, proferre: ergo nobis falso imputant Papiſmum e). Quatenus a. hæc responsio illorum rationibus satisfaciat, quis non videt? Interea non negandum est, Jesuitas, inſcio rege, multa, quæ ei poſtea in ignominiam ceſſerunt, feciſſe, ut de impreſſione Catecheſeos Caniſii, in memorato jam edicto queritur: nec aliud fortassis privilegium habuerunt recudendi Liturgiam, in 4, A:o 1585, excluſa omni gloſſa, donec & Svecicus textus expungeretur; quod tamen inceptum evanuit.

a) l. c. cap. 63. b) l. 1. c. 6. §. 6. c) Abr. Angerm. hiſt. Lit. V. 7. d) Introd. ad hiſt. Svec. p. 467. e) Baz. l. 3. c. 52.

§. VIII.

Regina vero Catharina, ut catholicam hic propagaret religionem, tanto magis ſibi cordi eſſe voluit, quanto in commentis ejus penitius enutri-ta fuerat, & quo majus ob hoc in cœleſtibus præmium ſe reportaturam credi-

crediderat. Meminerat quippe initi
matrimoniorum pacti, quod marito
jam sedulo in memoriam revocabat.
Cui quoque Hosius longam blanditia-
rum seriem regi inculcandam suppe-
ditavit: *Interim, inquit, his verbis il-
lum alloquatur: Mi rex, mi Domine,
mi conjunx mortalium omnium charissime,
caro tua sum, os ex ossibus tuis, in car-
nem meam a Deo potestatem tibi traditam
habes, de illo, quod voles, statuas lice-
bit, & certe tanti te facio, ut si non a-
liter, quam interitu carnis meae, salu-
tem anime tuae comparare possem, vilis
esset ejus jactura mihi futura. Spero me
tibi non futuram Evam. Utinam tu quo-
que ne mihi serpens ille velis esse, per
quem Eva decepta, maritum etiam dece-
pit. Quamobrem audi me, quaeso, pati-
enter. Facile tibi cessero, ut de calice bi-
bam, modo non ab obedientia ecclesiae di-
scedam. Sed si bona cum ecclesiae venia
licuerit, faciam lubens, modo tu quoque
meae cuidam petitiunculae locum des. Vi-
des, quod populi ditionis tuae, longe diver-
sam ab ea religionem colunt, in qua ego
sum educata, & omnia ad cultum perti-
nentia, tum & sacerdotium & sacrificium
pror-*

prorsus omne eiecerunt. Hoc restituas, quæso, & paulatim eo redeas, unde majores tui discesserunt, ad sedem Romanam confugas, ab illa tuæ discessionis veniam supplex petas. Efficiamur prius unum & integrum corpus Christi omnes, &c. a). Ad hunc igitur & similem modum, eam cum rege egisse, haud dubium est, quo animum ejus ad conformitatem conciliaret. Ut autem suum, in religionem catholicam, ardentem zelum eo plenius omnibus testatum faceret, Collegio Brunsbergensi summam X millium thalerorum legavit, pro quibus tot emti sunt fundi, ut inde nongentos florenos quotannis perciperent; quâ usura studiosi ex Suecia juvenes non pauci posteaalebantur.

a) Baz. ib. c. 12.

§. IX.

In superioribus dictum est, Jesuitas patriæ præcipue cleri, in promovendo negotio Liturgico, opera uti voluisse. Nam certum est, has motiones, tam pronos nisi artifices hujus idoli invenissent assentatores, faciles-

cilesque adprobatores, mox in ipsis fere cunis periisse. Quod si, cognitis undiq; multorum conscientiae cruciatibus, subscriptionum fallacium retractationibus, aliorumque intrepida constantia, fraudi plus, sub Liturgia artificiose & ubertim tectæ, quam onustæ prædæ attendissent, forte nec adeo Rex vehementer intantum, quod accidit, ecclesiæ exitium unquam inclinasset. Maximam enim regi fuisse defectionis causam constat, quod non tantum Archi-Ep. Laur. Gothus Liturgiam suo nomine publicavit, sed in cum reliquis episcopis, propositum, decepti regis in totum annuit; cujus itidem ex Mss. Prützii a), copiam mihi fecit Consultissimus Dn. Linderstedt. Ideoque, cum inferioris conditionis sacerdotes, illorum quoque requisito consensu, hypocrisin episcoporum damnarent, & suspectæ huic innovationi pio zelo se opponerent, hoc tantum illorum audaciæ, ut videbatur, argumenti loco objectum est, quod *scil. illorum erat solum adprobationi episcoporum acquiescere*: qui quippe, tanti nominis viri, optime rationes, si quæ essent,

essent, contrarias invenire potuissent *b)*. Mortuo Gotho, repertus est mox alius, cui hæc offa arrisit, strenuus impietatum defensor, Andr. Laurentii, qui cum aliis ἀλλοτριεπισκοπῶν, & parte cleri, apertissime suam apostasiam, in illa Liturgiæ subscriptione facta A:o 1583, declaravit, arrogando sibi *judicium religionis & fidei c)*. Et ab illo tempore, nullos hostilius oderunt, quam fideles ministros, qui eorum levitatem redarguebant. Atque sic omnis piorum, & ecclesiæ tribulationis culpa in solos hos Liturgiæ perniciosos palliatores redundat, quod ipsi quidem in protestatione sua ingenuè fatentur: *Ac cum harum rerum, inquirunt, de quarum fine & vera explanatione multi dubitarunt, assensus à nobis præbitus, principalis causa est hujus distractionis, &c d)*.

a) l. 1. c. 6. §. 5. b) vid. part. prior. c. 2. §. 5. c) Baz. l. 3. c. 44. d) Angerm. hist. Lit. C. 6.

§ X.

Sed dicunt: *numquam ista nobis in mentem venerunt, ut sic imitaremur pontificios*

ificios sacrificos, & ipsorum impietatem:
absit, ut sic Christo illuderemus. Nos pio
& devoto animo ea recitamus, in gloriam
DEi, nihil inique cogitantes a). Quor-
um a. hæc responsio? Judæi crucifi-
xerunt Dominum gloriæ, per ignoran-
tiam; ergo judicium DEi effugiunt?
Merito itaque verba Hieron. de Joh.
Episc. Hierosol. his regeruntur: per-
suadere nobis vult, quod pure credat; pu-
re ergo loquatur. Ut a. se purgarent,
& fuce piorum oculos obducerent,
blandam edidère protestationem; sed
qua sibi ipsis, hostili verborum pu-
gnantia, vim inferunt. Dicunt n. cla-
re, actas res peperisse scandala, dubi-
tationes, piorumque offensiones: ad-
versarios confirmasse, ut de nostra in
suas partes concessione triumphent:
quod a. pia declaratione (Sophistica
hypocrisi) tollendum esse, & sic offici-
um cum fructu faciendum duxerunt, ut
ipsorum verba sunt b), quæ copiosissi-
me perstringit Angermannus. Sed a-
deo avaritiæ studio fascinati erant, ut
verba revocare nollent: quin & di-
xerint, non credere se, aliam esse veram
ecclesiam catholicam, quam cujus Papa,
Rom.

Rom. sit caput c). Causa in promptu est. Ipsi, foricis instar, latibula produnt: multa, ajunt, facimus propter panem d), cui pollicem junxit ArchiEp. Andr. Laurentii: faciendum quod reges velint e). Non miraberis propterea, Possevinum gloriatum fuisse, ecclesiam nostram sacrificium Papisticum adprobasse.

a) *Angerm. hist. Lit. G. 2.* b) *ib. C. 6.*
c) *ib. K. 7.* d) *ib. L. 3.* e) *Puffend. Introd. ad hist. Svec. p. 477.*

CAPUT QUARTUM.

De Effectu Liturgiæ.

§. I.

AD finem operis antequam prope-remus, paucis blasphemi hujus idoli Herbert-Klost-Lass-Posseviniani, quibus per integros 18 annos ecclesiam misere vexavit, viperinos fructus, ut oculis tuis B. L. subjiciam, instituti requirit ratio. Collegit hos, qua maximam partem, Laur. Raimundus, qui præsens multis his actionibus interfuit. Qui-

Quidam ex Abr. Angermanni hist. Liturgiae innotuere, & in sequentibus fere comprehenduntur.

Adprobata & in usum recepta Liturgia, patentes valvæ, à Gregorio XIII huc missis, Jesuitis apertæ sunt.

Quoniam a. videbant, institutum missionis suæ plurimum retardari, donec in ecclesia nostra usurparentur sacri hymni, in quibus totam S. scripturam & religionem Evangelicam in compendium redegit electum DEI organon Lutherus, quos deinde ad genium linguæ patriæ aptarunt Olaus & Laur. Petri, fratres Nericii. Sic gravem hujus sentinæ censuram Psalmis subire, in fatis fuit. Quod n. Papi-smum redarguebat, exploserunt, atq; ita Psalmos alios prorsus eliminabant, ut qui sub N:o 31. 222. 236. 237. hodie exstant: alios immutabant, ut N:o 295. ubi pro *Glå nid Påfwens och Turfens mord* / ponebatur, alla *Tyranners mord*. *Cum gratia & privilegio Majestatis.*

Nec mitiorem correctionem, quam sub manus ceperant, experta fuisset versio Bibliorum Svecana, nisi ab opere destitutum fuisset.

In ordine quoque ecclesiastico magnam peperit ἀταξίαν: nam ibi subdole omnia, & sine prævía cognitione rei exsequebantur: Episcopi adulatores, invito clero, diœcesibus præficiiebantur: Pastores Simoniam & bonorum obtrecciónibus ampliora beneficia redimebant: crassissimæ, ut vocantur *a*), creaturæ, vix primis apud Jesuitas depositis floccis, doctorum virorum functiones occupabant, ut dicitur: *Stulti dominabuntur, senes autem & sapientes non levabunt caput.*

Hinc offensi pii auditores multi, conciones Liturgicorum & missas detestantes, sacra συνάξι abstinuerunt, & in morbis sacro viatico carere potius, quam ex manibus eorum communicare voluerunt. Audiebatur tunc hæc querela: *nunc est tempus impleri vaticinii, quod sacerdotes dementabunt mundum.*

Oratio pro Papa, Cardinalibus, Prælatis, & omnibus culinæ Romanæ focariis: pro defunctis, & animabus piorum, ab æterno interitu liberandis, in Litania inspergebatur: quin & adeo radices egerat prophanitas, ut etiam *Sicca Missa* in usum deduceretur.

Ex

Ex hac universali fere apostasia, contracti sunt multorum cleri & aliorum magni, cum desperatione pene conjuncti, conscientiae cruciatus, quorum pauci nominandi sunt. Fechte-
nius tanta consternatione animi obrutus est, ut continuo satanam in detestabili forma adparentem se videre, confessus sit. Pontus De La Gardie, de his fraudibus eruditus, *Vah*, inquit, *circumveniuntur nostri dolo pontificio*, valido tundens pectus ictu, & his verbis: *DEus mihi ignoscat*, contestans, se ex necessitate hujus causae curam sustinuisse. ArchiEp. Laur. Gothus, Episcopus Aros. Erasmus, Pastores Holmenses Salom. Birgeri, Jonas Birgeri, Jonas Arbogensis, Pastor Enecop. Andreas, & alii, quorum quidam in desperatione extincti, quidam non nisi multa fratrum consolatione erecti sunt.

Academia Upsaliensis, Professoribus in carcerem detrusis, Holmiam transferebatur, sub Kloster-Lassii, ejusque sodalitii inspectione.

In Scholis regni, excepta Stregnensi, prohibebatur Catechismus Lutheri, ejusque orthodoxa interpretatio, in cujus locum Canisii substituebatur

batur. Angermannus dicit, plena vasa librorum papisticorum importata fuisse, quorum quidam, in Sveticum sermonem translati, Holmiæ excudebantur.

Tandem, ne non de omni substantia sua antichristum honorarent, filios suos ejus informationi tradendos emissere non pauci & magnis nominis viri.

Moniales in cœnobio Vadstenensi ante Liturgiæ tempora perpauca fuerunt, quibus tamen postea refertum est. Quas, prædicata Evangelii doctrina, aures suas lana obturasse, cum comperisset Possevinus, admiratus est hanc earum prudentiam, gratias DEo, cantico illo: *Te DEum laudamus*, agens, quod Nonnas Evangelii doctrina seduci non passus fuerit.

a) Angerm. hist. Liturg. X. 4.

§. II.

His tandem furis infernalibus obicem posuit pius & veritatis coelestis amantissimus Sudermannia, &c. Dux Carolus, rex postea ejus nominis IX, qui, ne sub auspiciis futuri regis Sigismundi, violentia majori religio opprimeretur, concilium, anno post obitum

tum fratris proxime sequenti, Upsaliae habendum indixit, in quo clerus regni errores receptos examinavit, examinatos damnavit, & concordi animo ad purum Evangelium se obstrinxit. A quo tempore, numquam se ruinæ adeo proximam læta semper sensit ecclesia nostra. Quamvis n. pluribus postea vicibus intentata relicta non sit: utpote à Pontificiis, sceptracapessente Sigismundo, quem, ut defuncti parentis sui conatus perficeret, XXX millia aureorum a Pontif. Rom. accepisse, iterum ex Mss. Prützii benigne mihi communicatum est: à Forbesio, anno regiminis Caroli IX. octavo: à Joh. Duræo A:o 1636, consilia pacis ecclesiasticæ inter Evangelicos tractante; his tamen omnibus gl. m. Reges, & Theologi, singulari in DEum pietate, celebres, fortiter se opposuerunt, ut in hunc usque diem, in multum piorum gaudium permanserit immota. Pro quo igitur tanto DEi beneficio, nos gratos sistamus, & sine intermissione transmittamus oportet

Ad Æthera Laudes.



Clarissimo Philosophiæ
CANDIDATO,
DN. A N D R E Æ
L I N D E R,
egregie,
De Liturgia Romano-Svetica,
differenti.

CArmina, si possem, sublimia
pangere vellem:

*Sed non invenio, digna labo-
re Tuo.*

*Palladia fraudes stygias heic arte
revelas,*

*Lojolidum technas, Ausoniiue
foris,*

*Pagina docta docet. Voveo, Cla-
rissime LINDER,*

*Præmia mox studiis æqua Mi-
nerva ferat.*

OLAVS STREHDS.

Clarissimo Philosophiæ
CANDIDATO,
DN. A N D R E Æ
L I N D E R,

egregie,
De Liturgia Romano-Svetica,
differenti.

CArmina, si possem, sublimia
pangere vellem:

Sed non invenio, digna labo-
re Tuo.

Palladia fraudes stygias heic arte
revelas,

Lojolidum technas, Ausoniique
fovis,

Pagina docta docet. Voveo, Cla-
rissime LINDER,

Premia mox studiis æqua Mi-
nerva ferat.

OLAVS STRENGTH.

Arrhenius, Laurentius

Diss. hist. de liturgia Romano-Suetica Pars prior

Upsalia 1726

Diss. 58#Beibd.7

urn:nbn:de:bvb:12-bsb10839625-3